



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Ad Monachienses.

urn:nbn:de:hbz:466:1-41515

magni faciatis, vestramque messem illustri loco Pragæ sitam indefesso studio pergatis excolere Christo auxiliante. Vita sit vobis irreprehensibilis, in qua præclarum luceat specimen sanctæ paupertatis, perpetuæ continentiæ, obedientiæq; religiosæ. Peculiariter autem patientiam, & caritatem vestram non Catholici modò, sed etiam Catholicorum hostes, falsique fratres re ipsa comperiunt, nomen IESV videlicet per vos magis, magisque glorificari. Etenim non solum ad docendum, & concionandum, sed etiam ad crucem ferendam, & ad benè merendum de omnibus vos istuc vocatos, ac missos esse nunquam non meminisse debetis. Vigeat igitur in omnibus ille, quem P. N. Ignatius in primis postulat, vigeat, inquam, Zelus feruens animarum, quo præditi ea, quæ Christi sũt, sinceris procuretis animis: in hoc diligenter intenti, vt oves errantes ouili suo, veroque Pastori, quo ad eius fieri potest, in agro Boëmico restituantur. Amen, Amen. Seniores Canisium, qui primum Collegij nostri lapidem iecit, in Christi nomine vestris & sacrificiis, & precibus Domino commendetis quæso.

In literis ad Monachienfes datis ipsemet aper-

*Ad Monachi-
enses.*

tè testatur exitum eius Collegij felicem sibi à Deo promissum. Sic enim ait. Ego certè, vt hoc obiter addam, Clementissimo Deo gratias ago, qui me ante inchoatum vestrū Collegium indignū precantem singulari consolatione perfudit, & gratiose promisit rerum nostrarum successum fore felicem. Hunc exitus postea comprobauit. Princeps Albertus viua voce simul, & scripto testatus est, cum affirmaret Societate Iesu in Bauaria sua ad fidem Catholicam restaurandam, ac promouendam plurimum contulisse. Norunt & alij sapientes, publiceque fatentur post nostrorum aduentum diuinum cultū in Bauaria passim reflorescere: Ecclesiastica sacramēta sæpius, ac religiosius exerceri: religionem nouam obsolescere, veterem verò magis, magisque confirmari: Poenitentiae, & caritatis opera studiosius coli: maiorem bonorum studiorum curam in scholis haberi, retiusque passim iuuentutem Bauaricam in fide, & pietate Catholica prouehi. Hæc ego citra vllam arrogantiam scripta sic dici, & accipi velim, soli vt Deo, & veritati suus constet locus, & gloria debita tribuatur: vtque magis fidum aliorum probatorum hominum testimonium comprobetur.

Bene-

Benedictus bonorum autor Deus, quod ego senex, atque inter nostros omnes senior factus non modo videam, sed quodammodo gustem praesentes, dulcesq; fructus vestrarum manuum, quos quotannis ex Monachiensi horto collectos depromitis, & compluribus fidelibus vere salutares esse monstratis. Confirmet in vobis quod coepit princeps benefactorum Christus, ac proprium Societatis nostrae spiritum in visceribus vestris auget, ut non vestram quidem utilitatem, sed communem Bauarorum salutem, ac profectum animarum, praesertim in Clero, populoq; Monachiensi promouere pergatis. Quanto autem clementiores, ac munificentiores erga vos habetis Principes, tanto maiorem illorum meritis, eorumque praeclarae ditioni gratitudinem per vos exhiberi congruit: ita ut Bauarorum animis in fide, & virtute prouehedis nihil anteponatis: diuinæ gloriae propagandae sedulo inseruientes. Caritatis legem auream Christus vobis eximiè commendauit: sed & Paulus frequenter inculcauit. Hanc ipsam Monachij, & in reliqua Bauaria sic porro excolite, ut iuante Deo, multorum animas magis, magisque lucrifaciat.

faciatis: ac simul oues errantes ad suum reducatis ouile. De me hoc vnum reticere non possum, & valde vobis commendatum cupio, vt quandiu nouum Collegium, ac Templum D. Michaëli sacrum durabit, Senioris Canisij vestri non obliuiscamini, talemque primum siue fabrum, siue Architectum vestris sacrificiis, & precibus Domino commendetis. Ipsi laus, & gloria sempiterna.

Ad Oenipontanos.

Deniq; OEnipontanos in hunc modum hortatur. Excolite porro, vt cœpistis, messem Tyrolensem, ac in ea cum prospera Domini benedictione pergite laborare. Commendo vobis, quoad possum, debitæ gratitudinis officium, quod nō solum Fundatoribus Austriacis, verū etiam aliis quoq; Patronis, & amicis, quos Christus non paucos tribuit, sedulo, & feliciter exhibere debeatis. Egregium vobis patet Ostium ad multos nobiles, & ignobiles, ad magnos, & paruos vtriusq; sexus homines Christo lucrificandos, atque in omni pietatis, & virtutis studio magis, magisque confirmādos. Igitur paratam vobis messem, eamque vberem libenter amate, & prouehite apud Tyrolenses: nec verbo solum, sed etiam exemplo ad meliora æmulanda charismata multorum informate